



## Governo Japaun suporta Projecto Edukasaun Saude iha Distrito Ermera

Governo Japaun halo Ceremonia Asinatura 22 de Maiu 2009 iha embaxada Japaun para aprova orsamento \$142.319 ba Services for the Health in Asian & African Regions (SHARE). SHARE hanesan NGO husi Japaun ne'ebe halao Projecto Saude Eskola iha distrito Ermera. Atu kontenua Projecto ne'e SHARE hatama propasta ba Governo Japaun liu husi Grant Assistance for Japanese NGO Project. Fundu ne'e atu suporta NGO ne'ebe dezemvolve sosial nomos emergencia asistencia humano iha nasaun ne'ebe foin dezemvolve.

NGO SHARE uluk servisu ba emergencia maibee tuir povu nia necesidade iha Timor-Leste, focus liu ba implemeta promosaun saude. Iha Prjecto ne'e NGO SHARE halao Workshop ba Drector sira, fo'ο trenamento ba mestre no hili mestre ne'ebe bele sai trenador ba mestre seluk. Bainhira hospital la natoon no acceso ba facilidade saude limitado, ema barak bele mate liu husi moras ne'ebe bele prevene. Ho rasaun hirak ne'e NGO SHARE komesa projecto ne'ebe povu maka bele hetan matenek atu prevene moras.

SHARE fo'ο trenamento ba mestre iha eskola primaria atu sira halo edukasaun saude ba alunos sira iha districto Ermera. Objetivo ikus liu husi projeto alunos sira bele prevene moras hanesan ISPA, Malaria, Diarea, parasita.

Iha Ceremonia ne'e Sr. Iwao Kitahara, Japaun nia Embajador, no Dr. Toru Honda, Representante SHARE, hamutuk asina iha contracto.

Embaxador Kitahara dehan katak senti honra tamba bele suporta Projecto ne'e para labarik sira iha distrito Ermera bele hetan isin diak no espera katak liu husi projecto ne'e bele hametin relasaun forte entre povu Timor-Leste no Povu Japaun.

Dr. Honda dehan katak NGO SHARE kontenua nafatin sira nia esforsu iha Timor-Leste atu mestre sira bele implementa edukasaun saude regular iha eskola primaria, ikus mai alunos sira bele prevene moras hanesan infecsaun.

*\* NGO SHARE servisu parte saude. Iha Timor-Leste SHARE komesa servisu emergencia husi 1999. SHARE servisu iha Japaun nia laran nomos nasaun seluk hanesan Thailandia, Cambodia no South Africa. NGO SHARE nia misaun ne'ebe buka realiza "Isin diak ba ema hotu" iha area ne'ebe SHARE servisu ba.*

